


Araling Panlipunan

Unang Markahan - Modyul 1: Katangiang Pisikal ng Asya



Araling Panlipunan – Baitang Pito
Alternative Delivery Mode
Unang Markahan – Modyul 1: Katangiang Pisikal ng Asya
Unang Edisyon, 2020

Isinasaad sa Batas Republika 8293, Seksiyon 176 na: Hindi maaaring magkaroon ng karapatang-sipi sa anomang akda ang Pamahalaan ng Pilipinas. Gayonpaman, kailangan muna ang pahintulot ng ahensiya o tanggapan ng pamahalaan na naghanda ng akda kung ito ay pagkakakitaan. Kabilang sa mga maaaring gawin ng nasabing ahensiya o tanggapan ay ang pagtakda ng kaukulang bayad.

Ang mga akda (kuwento, seleksiyon, tula, awit, larawan, ngalan ng produkto o brand name, tatak o trademark, palabas sa telebisyon, pelikula, atbp.) na ginamit sa modyul na ito ay nagtataglay ng karapatang-ari ng mga iyon. Pinagsumikapang matunton ang mga ito upang makuha ang pahintulot sa paggamit ng materyales. Hindi inaangkin ng mga tagapaglathala at mga may-akda ang karapatang-aring iyon. Ang anomang gamit maliban sa modyul na ito ay kinakailangan ng pahintulot mula sa mga orihinal na may-akda ng mga ito.

Walang anomang parte ng materyales na ito ang maaaring kopyahin o ilimbag sa anomang paraan nang walang pahintulot sa Kagawaran.

Inilathala ng Kagawaran ng Edukasyon
Kalihim: Leonor Magtolis Briones
Pangalawang Kalihim: Diosdado M. San Antonio

Bumuo sa Pagsusulat ng Modyul

Manunulat: Myra A. Abique

Editor: Rosario G. Caluya

Tagasuri: Pedro J. Dandal Jr., Margielyn E. Tomanggong, Nora A. Nangit

Tagaguhit: Teodorico A. Cabildo, Sergio M. Tupaz, Eric M. Montemar

Tagalapat: Esperidion D. Soleta Jr.

Tagapamahala: Benjamin D. Paragas

Mariflor B. Musa

Melbert S. Broqueza

Danilo C. Padilla

Freddie Rey R. Ramirez

Aurelia B. Marquez

Rodgie S. Demalinao

Pedro J. Dandal Jr.

Inilimbag sa Pilipinas ng _____

Department of Education – MIMAROPA Region

Office Address: Meralco Avenue corner St. Paul Road, Pasig City

Telephone Number: (02) 6314070

E-mail Address: mimaropa.region@deped.gov.ph

Araling Panlipunan

**Unang Markahan - Modyul 1:
Katangiang Pisikal ng Asya**

Paunang Salita

Para sa tagapagdaloy:

Malugod na pagtanggap sa asignaturang **Araling Panlipunan-Baitang Pito** ng Alternative Delivery Mode (ADM) Modyul para sa araling **Katangiang Pisikal ng Asya!**

Ang modyul na ito ay pinagtulungang dinisenyo, nilinang at sinuri ng mga edukador mula sa pambuliko at pampribadong institusyon upang gabayan ka, ang gurong tagapagdaloy upang matulungang makamit ng mag-aaral ang pamantayang itinakda ng Kurikulum ng K to12 habang kanilang pinanagumpayan ang pansarili, panlipunan at pang-ekonomikong hamon sa pag-aaral.

Ang tulong-aral na ito ay umaasang makauugnay ang mag-aaral sa mapatnubay at malayang pagkatuto na mga gawain ayon sa kanilang kakayahan, bilis at oras. Naglalayon din itong matulungan ang mag-aaral upang makamit ang mga kasanayang pan-21 siglo habang isinasaalang-alang ang kanilang mga pangangailangan at kalagayan.

Bilang tagapagdaloy, inaasahang bibigyan mo ng paunang kaalaman ang mag-aaral kung paano gamitin ang modyul na ito. Kinakailangan ding subaybayan at itala ang pag-unlad nila habang hinahayaan silang pamahalaan ang kanilang sariling pagkatuto. Bukod dito, inaasahan mula sa iyo na higit pang hikayatin at gabayan ang mag-aaral habang isinasagawa ang mga gawaing nakapaloob sa modyul.

Para sa mag-aaral:

Malugod na pagtanggap sa **Araling Panlipunan-Baitang Pito** ng Alternative Delivery Mode (ADM) Modyul ukol sa **Katangiang Pisikal ng Asya!**

Ang kamay ay madalas gamiting simbolo ng kakayahan, aksyon at layunin. Sa pamamagitan ng ating mga kamay tayo ay maaaring matuto, lumikha, at magsakatuparan ng gawain. Ang kamay sa tulong-aral na ito ay sumisimbolo na ikaw, bilang isang mag-aaral, ay may angking kakayahang matutuhan ang mga kaugnay na kompetensi at kasanayan. Ang iyong pang-akademikong tagumpay ay nakasalalay sa iyong sarili o sa iyong mga kamay.

Ang modyul na ito ay ginawa bilang tugon sa iyong pangangailangan. Layunin nitong matulungan ka sa iyong pag-aaral habang wala ka sa loob ng silid-aralan. Hangad din nitong madulutan ka ng mga makabuluhang oportunidad sa pagkatuto.

Ang modyul na ito ay may mga bahagi at icon na dapat mong maunawaan.



Alamin

Sa bahaging ito, malalaman mo ang mga dapat mong matutuhan sa modyul.



Subukin

Sa pagsusulit na ito, makikita natin kung ano na ang kaalaman mo sa aralin ng modyul. Kung nakuha mo ang lahat ng tamang sagot (100%), maaari mong laktawan ang bahaging ito ng modyul.



Balikan

Ito ay maikling pagsasanay o balik-aral upang matulungan kang maiugnay ang kasalukuyang aralin sa naunang leksyon.



Tuklasin

Sa bahaging ito, ang bagong aralin ay ipakikilala sa iyo sa maraming paraan tulad ng isang kuwento, awitin, tula, pambukas na suliranin, gawain o isang sitwasyon.



Suriin

Sa seksyong ito, bibigyan ka ng maikling pagtalakay sa aralin. Layunin nitong matulungan kang maunawaan ang bagong konsepto at mga kasanayan.



Pagyamanin

Binubuo ito ng mga gawaing para sa malayang pagsasanay upang mapagtibay ang iyong pang-unawa at mga kasanayan sa paksa. Maaari mong iwasto ang mga sagot mo sa pagsasanay gamit ang susi sa pagwawasto sa huling bahagi ng modyul.



Isaisip

Naglalaman ito ng mga katanungan o pupunan ang patlang ng pangungusap o talata upang maproseso kung anong natutuhan mo mula sa aralin.



Isagawa

Ito ay naglalaman ng gawaing makatutulong sa iyo upang maisalin ang bagong kaalaman o kasanayan sa tunay na sitwasyon o realidad ng buhay.



Tayahin

Ito ay gawain na naglalayong matasa o masukat ang antas ng pagkatuto sa pagkamit ng natutuhang kompetensi.



Karagdagang Gawain

Sa bahaging ito, may ibibigay sa iyong panibagong gawain upang pagyamanin ang iyong kaalaman o kasanayan sa natutuhang aralin.



Susi sa Pagwawasto

Naglalaman ito ng mga tamang sagot sa lahat ng mga gawain sa modyul.

Sa katapusan ng modyul na ito, makikita mo rin ang:

Sanggunian

Ito ang talaan ng lahat ng pinagkuhanan sa paglikha o paglinang ng modyul na ito.

Ang sumusunod ay mahahalagang paalala sa paggamit ng modyul na ito:

1. Gamitin ang modyul nang may pag-iingat. Huwag lalagyan ng anumang marka o sulat ang anumang bahagi ng modyul. Gumamit ng hiwalay na papel sa pagsagot sa mga pagsasanay.
2. Huwag kalimutang sagutin ang *Subukin* bago lumipat sa iba pang gawaing napapaloob sa modyul.
3. Basahing mabuti ang mga panuto bago gawin ang bawat pagsasanay.
4. Obserbahan ang katapatan at integridad sa pagsasagawa ng mga gawain at sa pagwawasto ng mga kasagutan.
5. Tapusin ang kasalukuyang gawain bago pumunta sa iba pang pagsasanay.
6. Pakibalik ang modyul na ito sa iyong guro o tagapagdaloy kung tapos nang sagutin lahat ng pagsasanay.

Kung sakaling ikaw ay mahirapang sagutin ang mga gawain sa modyul na ito, huwag mag-aalinlangang konsultahin ang inyong guro o tagapagdaloy. Maaari ka rin humingi ng tulong sa iyong mga magulang, sa nakatatanda mong kapatid o sino man sa iyong mga kasama sa bahay na mas nakatatanda sa iyo. Laging itanim sa iyong isipang hindi ka nag-iisa.

Umaasa kami, sa pamamagitan ng modyul na ito, makararanas ka ng makahulugang pagkatuto at makakakuha ka ng malalim na pang-unawa sa kaugnay na mga kompetensi. Kaya mo ito!



Alamin

PANIMULA

Ang Asya ang pinakamalaking kontinente sa daigdig. Ito ay binubuo ng iba't ibang rehiyon na nagtataglay ng mga likas na yaman na bunsod ng pagkakaroon ng iba't ibang katangiang pisikal nito.

Kamangha-mangha ang mga lugar na matatagpuan sa iba't ibang panig ng mundo, lalo't higit sa kontinente ng Asya. Halimbawa na lang ang El Nido at Coron ng Palawan na nasa Pilipinas, na kamakailan lamang ay itinanghal bilang isa sa pinakamagandang pasyalan sa buong mundo, Phuket ng Thailand, at marami pang iba. Nalaman mo na ba kung gaano kalawak ang sakop na kalupaan, mga taglay nitong likas na yaman at kapal ng taong naninirahan dito? Handa ka na bang malaman ang lahat ng ito? Halina at ating alamin kung **paanong ang ugnayan ng tao at ng kanyang kapaligiran ay siyang nagbigay daan sa paghubog at pag-unlad ng Kabihasnang Asyano.**

Sa yunit na ito ay iyong matutuklasan ang konsepto ng paghahating heograpiko ng Asya. Handa ka na bang malaman ang mga kasagutan sa mga tanong na ito? Kung handa ka na, tara na, tayo ng maglakbay sa ating kontinente at ating suriin ang mga katangi-tanging bagay tungkol sa heograpiya at kultura ng mga taong naninirahan dito.

Mga Aralin at Saklaw ng Yunit

Aralin 1 – Konsepto ng paghahating heograpiko ng Asya

Sa araling ito, inaasahang matutuhan mo ang sumusunod

1. Naipaliliwanag ang konsepto ng Heograpiya;
2. Naitatala ang mga saklaw ng pag-aaral ng Heograpiya;
3. Naipaliliwanag ang konsepto ng Asya tungo sa paghahating heograpiko: Silangang Asya, Timog-Silangang Asya, Timog-Asya, Kanlurang Asya, at Hilagang Asya;
4. Naiisa-isa ang mga bansang kabilang sa bawat rehiyon sa Asya.

Pamantayang Pangnilalaman


Naipamamalas ng mga mag-aaral ang pag-unawa sa ugnayan ng kapaligiran at tao sa paghubog ng sinaunang kabihasnang Asyano.

Pamantayan sa Pagganap

Ang mag-aaral ay malalim na nakapaguugnay-ugnay sa bahaging ginampanan ng kapaligiran at tao sa paghubog sa sinaunang kabihasnang Asyano.

Pamantayan sa Pagkatuto

Naipaliliwanag ang konsepto ng Asya tungo sa paghahating heograpiko
(AP7HAS-Ia-1.1)



Subukin

Paunang Pagtataya

Sa bahaging ito ay aalamin ang iyong pang-unang kaalaman, kakayahan at pang-unawa tungkol sa heograpiya ng Asya na kinapapalooban ng mga pisikal na katangian at likas na yaman nito.

Panuto: Basahing mabuti ang mga katanungan at isulat ang titik ng tamang sagot sa sagutang papel.

1. Alin sa sumusunod ang nagpapaliwanag sa konsepto ng Heograpiya?
 - A. Ang heograpiya ay tumutukoy sa pag-aaral ng katangiang pisikal ng daigdig.
 - B. Ang heograpiya ay ang pag-aaral ng wika at kultura ng isang pamayanan.
 - C. Ang heograpiya ay tumutukoy sa pag-aaral ng distribusyon at alokasyon ng likas na yaman.
 - D. Ang heograpiya ay pag-aaral sa pinagmulan ng tao.
2. Ilang kontinente ang bumubuo sa daigdig?
 - A. 5
 - B. 6
 - C. 7
 - D. 8
3. Aling rehiyon sa Asya napapabilang ang bansang Pilipinas?
 - A. Timog asya
 - B. Silangang Asya
 - C. Timog Silangang Asya
 - D. Hilagang Asya
4. Kung ikaw ay nakatira sa bansang pinagmulan ng mga K-pop songs at Korean drama, Aling bansa at rehiyon ka sa Asya napapabilang?
 - A. India sa Timog Asya
 - B. Thailand sa Timog Silangang Asya
 - C. South Korea sa Silangang Asya
 - D. Qatar sa Kanlurang Asya
5. Ang Asya ay binubuo ng limang rehiyon na nabuo batay sa pisikal, historikal at kultural na aspekto. Kung pagsasama-samahin ang mga bansa, alin ang mga bansang napapaloob sa iisang rehiyon?
 - A. United Arab Emirates, Qatar at Iran
 - B. North Korea, Nepal at Singapore
 - C. Myanmar, Turkmenistan at Taiwan
 - D. China, Indonesia at Uzbekistan

6. Ang kontinente ng Asya ay binubuo ng limang rehiyon na kinabibilangan ng Hilagang Asya, Timog Silangang Asya, Kanlurang Asya, Timog Asya at Timog Silangang Asya. Kung ikaw ang bibigyan ng pagkakataon na bumuo ng mga rehiyon, anong mga aspekto ang iyong isasaalang-alang sa paghahati ng bawat rehiyon?
 - A. Isasaalang-alang ko ang pamamaraan ng paglinang ng kapaligirang pisikal.
 - B. Isasaalang-alang ko ang mga porma ng anyong lupa, anyong tubig sa lugar.
 - C. Isasaalang-alang ko ang klima ng isang lugar.
 - D. Isasaalang-alang ko ang aspektong historikal, kultural at heograpikal.
7. Ilang rehiyon ang bumubuo sa kontinente ng Asya?
 - A. 5
 - B. 6
 - C. 7
 - D. 4
8. Ano ang itinuturing na pinakamalaking kontinente sa Daigdig?
 - A. Africa
 - B. Asya
 - C. Europa
 - D. Australia
9. Ang rehiyong ito ay kilala rin sa katawagang Inner Asia o Central Asia?
 - A. Timog Asya
 - B. Silangang Asya
 - C. Hilagang Asya
 - D. Kanlurang Asya
10. Alin sa sumusunod ang pinagbatayan sa paghahati ng mga rehiyon sa Asya?
 - A. Pisikal, Kultural at Historikal na aspekto.
 - B. Heograpikal na aspeto lamang.
 - C. Historikal at Kultural na aspeto
 - D. Pisikal at kasaysayang aspeto
11. Ang Timog-Silangang Asya ay nahahati sa dalawang subregions, ang Mainland Southeast Asia at Insular Southeast Asia. Kung ikaw ay nakatira sa Vietnam, sa anong subregion ka napapabilang?
 - A. Mainland Southeast Asia
 - B. Insular Southeast Asia
 - C. Inner Asia
 - D. Sentral Asia
12. Anong rehiyon sa Asya ang binansagang Farther India at Little China dahil sa mga naging impluwensiya ng mga bansang ito sa kultura nito sa rehiyong ito?
 - A. Hilagang Asya
 - B. Timog Silangang Asya
 - C. Hilagang Asya
 - D. Timog Asya

13. Alin sa sumusunod na bansa ang kabilang sa rehiyon ng Kanlurang Asya?
- A. China
 - B. Kuwait
 - C. Uzbekistan
 - D. Thailand
14. Saang rehiyon napapabilang ang bansang Vietnam?
- A. Kanlurang Asya
 - B. Hilagang Asya
 - C. Timog Asya
 - D. Timog-Silangang Asya
15. Alin sa sumusunod na bansa ang bumubuo sa rehiyon ng Timog Asya?
- A. Oman, Yemen at Israel
 - B. China, Japan at Taiwan
 - C. Tajikistan, Azerbaijan at Georgia
 - D. Nepal, Bhutan at Afghanistan

Ilang puntos ang nakuha mo sa iyong unang pagtataya? Huwag kang mag-alala dahil ang lahat ng mga katanungan na ito ay iyong masasagot kapag natapos mo ang modyul para sa unang markahan. Halika na at simulan mo na ang iyong paglalakbay!

Aralin

1

Katangiang Pisikal ng Asya

Kumusta ka? Ngayon ay magsisimula na ang iyong paglalakbay para matutunan ang pag-aaral sa pisikal na katangian ng Asya. Halika na at tayo ay magsimula!




Balikan

Gawain: Saan kita matatagpuan?

Panuto: Tukuyin kung saang lugar matatagpuan ang sumusunod na magagandang tanawin. Piliin ang iyong sagot sa kahon na nasa ibaba.




1. _____



2. _____



3. _____



4. _____

Thailand

Philippines

Malaysia

Maldives

Ilan ang iyong nakuhang puntos sa gawaing ito? Marami ka bang natutunang magagandang lugar na mula sa ating rehiyon? Ang lahat ng mga ito ay bahagi ng pag-aaral ng heograpiya. Ngayon masasabi mo na kaya kung ano-ano ang mga dapat pag-aralan sa heograpiya? Masasagot mo iyan sa mga susunod na gawain. Halika na at mas higit na palalimin ang iyong kaalaman.



Tuklasin

Gawain: Pinoy Tuklasin Natin Ang Iyong Galing!


Panuto: Sa pamamagitan ng mga larawang nakikita sa kahon, punan ng tamang sagot na may kaugnayan sa larawan.



Mga Larawang Kuha ni: Dandal, Pedro Jr. J.

A__Y__N__

__U__I__



Mga Larawang Kuha ni: Dandal, Pedro Jr. J.

L__K__S

N__

Y__M__N



Larawang Kuha ni: Dandal, Pedro Jr.J.

A__Y__N__ L__P__



Mga Larawang Kuha nina: Dandal, Pedrol Jr. (Kaliwa) at Parangue, Emil (Kanan)

K__I__A A__ P__N__H__N

Ngayong natapos mo na ang gawain, maaari mo nang itala sa graphic organizer ang mga salitang iyong nabuo mula sa gawain na may kaugnayan sa saklaw ng pag-aaral ng heograpiya.

Gawain: Subukan mo akong buoin!

Sa gawaing ito ay susubukan mong makabuo ng isang salita sa pamamagitan ng pag-aayos ng mga letra. Ang mga salitang iyong mabubuo ay may kaugnayan sa konsepto ng Heograpiya. Handa ka na bang simulan ang gawain?

ISKLAIP	
ATKINGANA	
LAAAGPRA	
DDIIGGA	
OMUDN	

Matapos mong mabuo ang mga salita na may kaugnayan sa heograpiya, ngayon subukan mong makabuo ng kahulugan ng konsepto ng Heograpiya gamit ang mga salitang iyong nabuo mula sa gawain 2.

Gawain: Dugtungan mo ako!

Ang heograpiya ay _____

Mahusay! Nalampasan mo ang iyong unang pagsubok. Mas higit nating pagyayamanin ang iyong kaalaman sa mga susunod na gawain.



Suriin

Gawain 1: Basahin at Unawain

Basahin at unawain mo ang tekstong ito tungkol sa kinaroroonan, lokasyon, at paghahating pangrehiyon ng Asya na makapagbibigay sa iyo ng impormasyon na higit mong kakailanganin sa pagtamo ng kaalaman, upang matutunan ang konsepto ng paghahating heograpiko ng Asya.

Ang Heograpiya ay nagmula sa dalawang salitang Griyego – ang geo (daigdig) at graphein (magsulat). Ito ay nangangahulugan ng paglalarawan ng ibabaw o balat ng lupa. Ang heograpiya ay maraming kinukuhang datos sa iba't ibang agham pisikal, bayolohikal, at sosyal. Ito ay nagbibigay liwanag sa pagkakaayos o distribusyon ng bawat pangyayari at kahulugan nito sa paninirahan ng tao sa isang pook. Sa pag-unawa sa simula ang mga yamang-lupa ay nakapagbigay sa historyador ng mga kabatiran kung paano ginagamit ang mga ito.

Halaw mula sa PROJECT EASE II, pahina 2

ANG KONTINENTE NG ASYA

Ang Asya ay isa sa pitong kontinente ng daigdig. Kontinente ang tawag sa pinakamalaking dibisyon ng lupain sa daigdig. Isa sa mga paraan ng pagkuha ng lokasyon ng isang kontinente at bansa ay sa pamamagitan ng pagtukoy ng latitude (distansyang angular na natutukoy sa hilaga o timog ng equator) at longitude (mga distansyang angular na natutukoy sa silangan at kanluran ng Prime Meridian) nito. Ang Equator ay ang zero-degree latitude at humahati sa globo sa hilaga at timog na hemisphere nito, at ang Prime Meridian naman ay ang zero-degree longitude. Ang nasasakop ng Asya ay mula sa 10° Timog hanggang 90° Hilagang latitude at mula sa 11° hanggang 175° Silangang longitude.

Pinakamalaki ang Asya kung ihahambing sa ibang kontinente sa daigdig. Sa kabuuang sukat nitong humigit kumulang na 44,486,104 kilometro kuwadrado, halos katumbas nito ang pinagsama-samang lupain ng North America, South America, at Australia, at halos sangkapat (1/4) lamang nito ang Europe. Tinatayang sangkatlong (1/3) bahagi ng lupain ng daigdig ang kabuuang sukat ng Asya.

Nahahati sa limang rehiyon ang Asya: Hilaga, Kanluran, Timog, Timog Silangan, at Silangang Asya. Heograpikal at kultural na sona ang mga rehiyong ito sapagkat isinaalang-alang sa paghahating ito ang pisikal, historikal at kultural na aspeto.

Ang Hilagang Asya ay binubuo ng mga bansang dating Soviet Central Asia (Kazakhstan, Kyrgyzstan, Tajikistan, Azerbaijan, Turkmenistan, Uzbekistan, Georgia, Armenia), Mongolia at Siberia. Kilala ang rehiyong ito sa katawagang Central Asia o inner Asia. Sa Kanlurang Asya matatagpuan ang hangganan ng mga kontinenteng Africa, Asya, at Europe. Dito naka latag ang mga bansang arabo (Saudi Arabia, Lebanon, Jordan, Syria, Iraq, Israel, Cyprus, at Turkey.

Bahagi naman ng Timog Asya ang India; Mga bansang Muslim ng Afghanistan, Pakistan, at Bangladesh; mga bansang Himalayan ng Nepal at Bhutan; at mga bansang pangkapuluan ng Sri Lanka at Maldives. Ang Timog Silangang Asya ay minsang binansagang Father India at Little China dahil sa mga impluwensya ng mga nasabing kabihasan sa kultura nito. Ang rehiyong ito ay nahahati sa dalawang sub regions; ang mainland Southeast Asia (Myanmar, Thailand, Vietnam, Laos, Cambodia) at insular Southeast Asia (Pilipinas, Indonesia, Malaysia, Brunei, Singapore, East Timor). Ang Silangang Asya ay binubuo ng China, Japan, North, Korea, at Taiwan.

Ph.D. Grace Estella C., et al., Asya: Pagusbong ng kabihasan, Vibal Publishing House, Quezon City, Philippines 2008. (pp. 3-9).


De Leon, Zenaida M., et al., ASYA: Tungo sa Pagunlad, Makabayan Serye, Vibal Publishing House, Quezon City, Philippines 2003. (pp. 4-6).

Marami ka bang natutunan sa iyong binasa? Sa susunod na gawain ay pagyayamanin mo ang iyong kaisipan sa mga kaalamang nakuha sa tekstong iyong binasa.

Bilang karagdagan sa iyong impormasyon, makikita mo ang talahanayan sa ibaba na nagpapakita ng kabuuang sukat ng mga kontinente sa daigdig. Ang impormasyon ay hango sa Information Please Almanac sa <http://www.factoid.com>.

Kontinente	Kabuoang Sukat (Kilometro Kuwadrado)
1. Asya	44, 486, 104
2. Africa	30, 269, 817
3. North America	24, 210,000
4. South America	17, 820, 852
5. Antarctica	13, 209, 060
6. Europa	10, 530, 789
7. Australia	7, 862, 336
Kabuuuan	143, 389, 336


KALUPAANG SAKOP NG MGA KONTINENTE SA MUNDO



Pamprosesong tanong:

1. Ano ang pinakamalaking kontinente sa ating daigdig?
2. Ilang rehiyon ang bumubuo sa Asya? Ano-ano ang rehiyong ito?
3. Paano hinati ang Asya sa iba't ibang rehiyon? Ano-ano ang mga batayang isinaalang-alang sa paghahating ito?
4. Kung ikaw ay nakatira sa bansang Pilipinas sa kasalukuyan, sa anong rehiyon ka napapabilang?

Sa iyong nabasang teksto ay natutunan mo ang paghahati ng Asya sa iba't ibang rehiyon at ang mga batayan nito. Higit nating pagyayamanin ang iyong kaalaman sa mga bansang kabilang sa iba't ibang rehiyon sa susunod na gawain.




Pagyamanin

Ang mga gawaing nakapaloob dito ay lilinang at hahasa sa iyong isipan.
Handa ka na ba?

Gawain: Punuan mo ako!

Isulat mo sa concept organizer ang mga konseptong pinag-aaralan sa Heograpiya.



Ang mga saklaw ng pag-aaral ng heograpiya ay

Sa bahaging ito ay higit mong pagyayamanin ang iyong kaisipan sa pagsusuri at pagbabasa ng mapa. Susubukin natin ang iyong kaisipan sa pamamagitan ng pagtatala ng mga bansang napapaloob sa iba't ibang rehiyon ng Asya. Handa ka na ba?

Gawain: Mapa-Tingin!

Alam mo bang ang kontinente ng Asya ay binubuo ng limang rehiyon. Ang bawat rehiyon ay nagtataglay ng iba't ibang katangiang pisikal na nagbubunsod sa pagkakaroon ng iba't ibang yamang taglay. Nais mo bang malaman ang mga bansang bumubuo sa bawat rehiyon sa Asya? Sa pamamagitan ng pagtingin sa mapa at pananda na nasa ibaba, maaari mong isulat sa ibabang bahagi ang mga bansang napapaloob sa bawat rehiyon. Tara na at maglakbay!



Pananda:



Hilagang Asya



Timog Asya



Timog Silangang Asya



Silangang Asya



Kanlurang Asya

MGA BANSA SA HILAGANG ASYA	MGA BANSA SA SILANGANG ASYA
1. _____	1. _____
2. _____	2. _____
3. _____	3. _____
4. _____	4. _____
5. _____	5. _____

MGA BANSA SA TIMOG ASYA	MGA BANSA SA KANLURANG ASYA
1. _____	1. _____
2. _____	2. _____
3. _____	3. _____
4. _____	4. _____
5. _____	5. _____

MGA BANSA SA TIMOG SILANGANG ASYA
1. _____
2. _____
3. _____
4. _____
5. _____

Gawain: Kaya Ko To!

Panuto: Tukuyin mo kung saang rehiyon napapaloob ang sumusunod na bansa. Isulat ang **HA** para sa Hilagang Asya, **SA** sa Silangang Asya, **TSA** sa Timog Silangang Asya, **KA** sa Kanlurang Asya at **TA** para sa Timog Asya. Isulat ang sagot sa patlang bago ang bilang.

- | | |
|-----------------------|----------------------|
| _____ 1. Kazakhstan | _____ 6. Maldives |
| _____ 2. India | _____ 7. Japan |
| _____ 3. Saudi Arabia | _____ 8. Thailand |
| _____ 4. Vietnam | _____ 9. Lebanon |
| _____ 5. China | _____ 10. Tajikistan |

Gawain: Fact o Bluff

Suriin ang sumusunod na pangungusap kung ito ay TAMA o MALI tungkol sa paghahating heograpikal ng Asya. Isulat ang FACT kung ang pahayag ay TAMA at BLUFF kung ang pahayag ay MALI.

1. Ang kontinente ng Asya ay binubuo ng limang rehiyon.
2. Ang Hilagang Asya, Timog Silangang Asya, Kanlurang Asya, Timog Asya at Kanlurang Asya ang mga rehiyong bumubuo sa Asya.
3. Ang bansang Pilipinas, Thailand, Vietnam at Myanmar ay matatagpuan sa rehiyon ng Silangang Asya.
4. Ang Timog Silangang Asya ay binansagang Farther India at Little China dahil sa impluwensiya ng mga nasabing bansa sa rehiyong ito.
5. Ang Hilagang Asya ay kilala rin sa katawagang Central Asia o Inner Asia.

6. Isinaalang-alang sa paghahati ng mga rehiyon sa Asya ang aspektong pisikal, kultural at historikal.
7. Ang Insular Southeast Asia ay binubuo ng mga bansang Pilipinas, Indonesia, Malaysia at Brunei.
8. Ang mga bansang Nepal, Bhutan, Maldives at Sri Lanka ay bahagi ng Timog Asya.
9. Ang Timog Silangang Asya ay binubuo ng dalawang subregions: Ang Mainland at Insular Southeast Asia.
10. Sa rehiyon ng Timog-Silangan napapabilang ang bansang Pilipinas.

Binabati kita dahil matagumpay mong nasagutan at naisagawa ang mga gawaing inihanda para sa iyo. Malugod ang aking pagbati sa galing at husay mo. Magpatuloy ka!




Isaisip

Gawain: Kaalaman mo ay Pagyamanin!

Panuto: Dugtungan mo ang pangungusap upang makabuo ka ng isang konsepto at pahayag na may kaugnayan sa katangiang pisikal ng Asya at sa paghahating heograpiko nito.

Ang kontinente ng Asya ay nahahati sa 1._____, Ito ay binubuo ng mga rehiyong kinabibilangan ng 2._____, 3._____, 4._____, 5._____, 6._____. Isinaalang-alang sa paghahati ng mga rehiyon ang aspektong 7._____, 8._____, 9._____, 10._____.

Nadagdagan ba ang iyong kaalaman? Ngayon ay higit mong natutunan na ang Asya ay binubuo ng mga iba't ibang rehiyon na kinapapalooban ng iba't ibang bansa. Nakakabilib ang iyong ipinakitang tiyaga at pagsusumikap sa pagsagot sa gawain. Pagyayamanin natin ang iyong kaisipan ng mga kaalaman na makatutulong sa pag-abot ng iyong tagumpay.



Isagawa

Gawain: Bayan Mo, Ilista Mo!

Panuto: Sa gawaing ito, ililista mo lamang ang mga Bayan na napapaloob sa iyong lalawigan. Maaari mong ilista lahat ng Bayan. Ilagay ang iyong kasagutan sa iyong Kuwadernong Pang Aktibiti. Halika at simulan mo na ang gawain.

‘MGA BAYAN SA LALAWIGAN NG _____’

1.	6.
2.	7.
3.	8.
4.	9.
5.	10.

Natutuwa ako sapagkat hindi lamang mga rehiyon at bansa sa Asya ang iyong natutunan bagkus ikaw ay nagkaroon pa ng kamalayan sa mga lugar sa munisipyong iyong kinabibilangan. Ipagpatuloy mo ang pagpapalalim ng iyong kaalaman.

Gawain: Mapa-Sagot-Husay!

Panuto: Lagyan mo ng tamang bansa ang blankong mapa batay sa iyong napag-aralan. Maaari mong gawing batayan ang mapa na nasa itaas. Pumili lamang ng sampung (10) bansang sasagutan. Ilagay sa tabi ng bilang na nasa loob ng mapa ang iyong sagot.



Napakahusay! Matagumpay mong naisagawa at natapos ang mga gawain. Binabati kita sa iyong galing at husay sa pagsagot ng modyul. Taglay mo na ngayon ang mga kaalaman na magagamit mo sa susunod na modyul na iyong sasagutan.



Tayahin

Panghuling Pagtataya

Panuto: Basahin mo at unawaing mabuti ang mga katanungan. Isulat ang titik ng tamang sagot sa sagutang papel.

1. Ano ang itinuturing na pinakamalaking kontinente sa Daigdig?
 - A. South AmericaAsya
 - B. Europa
 - C. Asya
 - D. Africa
2. Ilang rehiyon ang bumubuo sa Asya?
 - A. 6
 - B. 7
 - C. 4
 - D. 5
3. Alin sa sumusunod na bansa ang kabilang sa rehiyon ng Kanlurang Asya?
 - A. United Arab Emirates
 - B. China
 - C. Myanmar
 - D. Azerbaijan
4. Alin sa sumusunod ang isinasaalang-alang sa paghahating heograpiko ng rehiyon sa Asya?
 - A. Isinaalang-alang sa paghahating heograpiko ang porma ng anyong lupa at anyong tubig sa lugar.
 - B. Isinasaalang-alang ang klima at panahon ng isang lugar.
 - C. Isinasaalang-alang ang aspektong historikal, kultural at heograpikal.
 - D. Isinasaalang-alang ang pamamaraan ng paglinang ng kapaligirang pisikal.
5. Alin sa sumusunod ang mga bansang magkakasama sa iisang rehiyon?
 - A. Japan, China at South Korea
 - B. Syria, Madives at Thailand
 - C. Afghanistan, Taiwan at Brunei
 - D. North Korea, India at Indonesia
6. Alin sa sumusunod ang hindi kasama sa mga rehiyong bumubuo sa Asya?
 - A. Hilagang Asya
 - B. Kanlurang Asya
 - C. Timog-Silangang Asya
 - D. Insular Southeast Asia


7. Anong rehiyong ang kilala rin sa katawagang Inner Asia o Central Asia?
 - A. Timog Asya
 - B. Silangang Asya
 - C. Hilagang Asya
 - D. Kanlurang Asya
8. Alin sa sumusunod ang pinagbatayan sa paghahati ng mga rehiyon sa Asya?
 - A. Pisikal, Kultural at Historikal na aspekto.
 - B. Heograpikal na aspeto lamang.
 - C. Historikal at Kultural na aspeto
 - D. Pisikal at kasaysayang aspeto
9. Ang Timog-Silangang Asya ay nahahati sa dalawang subregions, ang Mainland Southeast Asia at Insular Southeast Asia. Kung ikaw ay nakatira sa Vietnam, sa anong subregion ka napapabilang?
 - A. Mainland Southeast Asia
 - B. Insular Southeast Asia
 - C. Inner Asia
 - D. Sentral Asia
10. Anong rehiyon sa Asya ang binansagang Farther India at Little China dahil sa mga naging impluwensiya ng mga bansang ito sa kultura nito sa rehiyong ito?
 - A. Hilagang Asya
 - B. Timog Silangang Asya
 - C. Hilagang Asya
 - D. Timog Asya
11. Alin sa sumusunod na bansa ang kabilang sa rehiyon ng Kanlurang Asya?
 - A. China
 - B. Kuwait
 - C. Uzbekistan
 - D. Thailand
12. Saang rehiyon napapabilang ang bansang Vietnam?
 - A. Kanlurang Asya
 - B. Hilagang Asya
 - C. Timog Asya
 - D. Timog-Silangang Asya
13. Alin sa sumusunod na bansa ang bumubuo sa rehiyon ng Timog Asya?
 - A. Oman, Yemen at Israel
 - B. China, Japan at Taiwan
 - C. Tajikistan, Azerbaijan at Georgia
 - D. Nepal, Bhutan at Afghanistan
14. Ang Timog Silangang Asya ay nahati sa dalawang subregions, ang mainland Southeast Asia at Insular Southeast Asia na binubuo ng mga kapuluang nakalatag sa Karagatan. Kung ikaw ay titingin sa mapa, Alin sa mga sumusunod na bansa ang kabilang sa Insular Southeast Asia o Pangkapuluang Timog -Silangang Asya?
 - A. Myanmar, Thailand, Vietnam, at Laos
 - B. Pilipinas, Indonesia, Malaysia at Brunei
 - C. Singapore, Taiwan, China at Japan
 - D. Nepal, Bhutan, Afghanistan at Pakistan


15. Binubuo ng limang rehiyon na kinabibilangan ng Hilagang Asya, Timog Silangang Asya, Kanlurang Asya, Timog Asya at Timog Silangang Asya. Kung ikaw ang bibigyan ng pagkakataon na bumuo ng mga rehiyon, anong mga aspekto ang iyong isasaalang-alang sa paghahati ng bawat rehiyon?
- A. Isasaalang-alang ko ang pamamaraan ng paglinang ng kapaligirang pisikal.
 - B. Isasaalang-alang ko ang mga porma ng anyong lupa at anyong tubig sa lugar.
 - C. Isasaalang-alang ko ang klima ng isang lugar.
 - D. Isasaalang-alang ko ang aspektong historikal, kultural, at heograpikal



Karagdagang Gawain

Panuto: Punan mo ng tamang kasagutan ang concept organizer. Ilagay mo ang mga rehiyong bumubuo sa Asya. Gawin mo ito sa iyong Kuwadernong Pang Aktibiti.





Susi sa Pagwawasto

Ang mga saklaw ng pag-aaral ng heograpiya ay ang anyong lupa, anyong tubig, likas na yaman, klima at panahon, at interaksyon ng tao at nang kanyang kapaligiran.

<p>Tuklasin</p> <p>Gawain: Pinoy Tuklasin natin ang iyong galing!</p> <ol style="list-style-type: none"> 1. Anyong Tubig 2. Anyong Lupa 3. Likas na yaman 4. Klima at panahon <p>Gawain 2: Subukan mo akong buuin</p> <ol style="list-style-type: none"> 1. Pisikal 2. Katangian 3. Pag-aaral 4. Daigdig <p>Gawain: Dugtungan mo ako!</p> <p>Ang heograpiya ay pag- aaral o paglalarawan sa katangiang pisikal ng daigdig.</p>	<p>Subukin</p> <p>Gawain: Saan kita matatagpuan?</p> <ol style="list-style-type: none"> 1. Maldives 2. Indonesia 3. Thailand 4. Philippines 	<p>Subukin</p> <ol style="list-style-type: none"> 1. A 2. A 3. C 4. D 5. A 6. D 7. A 8. B 9. C 10. A 11. B 12. B 13. B 14. D 15. D
---	--	--

BANSA SA HILAGANG ASYA	1. Uzbekistan	1. China	1. Pakistan	1. Syria	1. Pilipinas
2. Kazakhstan	2. Japan	2. Nepal	2. Iraq	2. Myanmar	
3. Tajikistan	3. North Korea	3. India	3. Iran	3. Vietnam	
4. Turkmenistan	4. South Korea	4. Bhutan	4. Lebanon	4. Thailand	
5. Kyrgyzstan	5. Taiwan	5. Maldives	5. Yemen	5. Malaysia	
6. Armenia		6. Afghanistan	6. Oman	6. Laos	
7. Georgia			7. Qatar	7. Brunei Darussalam	
			8. United Arab Emirates	8. Indonesia	
				9. East Timor	

Gawain: Mapa-Tingin

Paalala: Sa bahaging ito ay maaaring magdagdag ang guro bansang kabilang sa bawat rehiyon.

Gawain: Fact o Bluff

- Fact
- Fact
- Bluff
- Fact
- Fact
- Fact
- Fact
- Fact
- Fact
- Fact

Gawain: Kaya ko to!

- HA
- TA
- KA
- TSA
- SA
- TA
- SA
- TSA
- KA
- HA

Gawain: Kaalaman mo ay Pagyamanin

- Limang rehiyon
- Hilagang Asya
- Kanlurang asya
- Timog-Asya
- Kanlurang Asya

Gawain: Kaya ko to!

- Timog-Silangang Asya
- Pisikal
- Heograpiikal
- Kultural
- Historikal

Tayahin

- | | | |
|------|-------|-------|
| 1. C | 6. D | 11. B |
| 2. D | 7. C | 12. D |
| 3. A | 8. C | 13. D |
| 4. C | 9. A | 14. B |
| 5. A | 10. B | 15. D |

Gawain: Mapa-Sagot-Husay

- | | | |
|-------------------------|-----------------|-----------------|
| 1. Russia | 11. Afghanistan | 20. Myanmar |
| 2. Kazakhstan | 12. Pakistan | 21. Thailand |
| 4. Syria | 13. India | 22. Cambodia |
| 5. Jordan | 14. Sri Lanka | 23. Vietnam |
| 6. Saudi Arabia | 15. Nepal | 24. Vietnam |
| 7. Iraq | 16. China | 25. Pilipinas |
| 8. Iran | 17. Mongolia | 26. South Korea |
| 9. United Arab Emirates | 18. Bhutan | 27. North Korea |
| 10. Oman | 19. Bangladesh | 28. Japan |

Paalala: Ang mag-aaral ay maaari lamang pumili ng sampung bilang na nais niyang bigyan ng kasagutan.

Isagawa

Gawain: Bayan mo, Ilista mo!

Ang sagot sa gawaing ito ay nakadepende sa Lalawigang kinabibilangang ng mag-aaral. Maaaring isulat ng mag-aaral ang lahat ng Bayan at hindi lamang limitado sa sampu.

Halimbawa ng mga Bayan sa lalawigan ng Palawan.

- | | | |
|------------|------------------|---------------|
| 1. Aborlan | 6. Cuyo | 11. Coron |
| 2. Narra | 7. San Vicente | 12. Dumaran |
| 3. Roxas | 8. Balabac | 13. Linapacan |
| 4. Taytay | 9. Brookes Point | 14. Magsaysay |
| 5. El Nido | 10. Quezon | 15. Rizal |

Sanggunian

A. Aklat

Blando, Rosemarie. Asya: Pagkakaisa sa Gitna ng Pagkakaiba (Modyul ng Mag-aaral), ph.16-17.

B. Modyul

Project EASE-Araling Panlipunan II Modyul 1-Heograpiya ng Asya-pahina 2

C. Larawan

Anyong Tubig, Larawang Kuha ni Pedro J. Dandal Jr., Pahina 5

Likas Yaman, Larawang Kuha ni Pedro J. Dandal Jr., Pahina 6

Anyong Lupa, Larawang Kuha ni Pedro J. Dandal Jr., Pahina 6

Klima at Panahon, Larawang Kuha ni Pedro J. Dandal Jr., Pahina 7

Para sa mga katanungan o puna, sumulat o tumawag sa:

Department of Education - Bureau of Learning Resources (DepEd-BLR)

Ground Floor, Bonifacio Bldg., DepEd Complex
Meralco Avenue, Pasig City, Philippines 1600

Telefax: (632) 8634-1072; 8634-1054; 8631-4985

Email Address: blr.lrqad@deped.gov.ph * blr.lrpd@deped.gov.ph